



中国经典名著

全宋词

(十六)

刘 丰 褚为良 編集

学苑音像出版社

目 录

葛长庚.....	员
刘克庄	缘
冯取洽	员
赵以夫	缘
张 榘	愿
吴 渊	员
李好古	源
刘子寰	园
夏元鼎	源

葛长庚

兰陵王

一溪碧。何处桃花流出。春光好。寻个□□，小小篮舆漫行适。苍苔满白石。涧底阴风凛栗。疑无路，幽壑琮琤，峡转山回入林僻。

千峰呈翠色。时亦有声声，樵唱渔笛。忽然一树樱桃白。又回头一顾，掀髯一笑，诗情酒思正豪逸。虎蹄过新迹。


幂幂。雾如织。见异草珍禽，问名不识。山灵勒驾雨来急。欲游观未已，仆言日夕。看来看去，似那里，似少室。

又 题笔架山

三峰碧。缥缈烟光树色。高寒处，上有猿啼，鹤唳天风夜萧瑟。山形似笔格。人道江南第一。游紫观，月殿星坛，积翠楼前吹铁笛。

客来访灵迹。闻王郭当年，曾此驻锡。二仙为谒浮丘伯。从骖鸾去后，云深难觅。丹炉

— 员 —



灰冷杵声寂。依然旧泉石。

泉石。最幽閤。更禽静花闲，松茂竹密。清都绛阙无消息。共羽衣挥尘，感今怀昔。堪嗟人世，似梦里，驹过隙。

又 紫元席上作

桃花瘦。寒食清明前后。新燕子，禁得余寒，风雨把人苦僝僽。梅粒今如豆。减却春光多少。空自有，满树山茶，似语如愁卧晴昼。

幽人展襟袖。惜莺花未老，江山如旧。杜鹃声里同携手。叹陌上芳草，堤边垂柳。一春十病九因酒。愁来独搔首。

豆蔻。枝头小。应可惜年华，孤负时候。九十韶光那得久。问芍药觅醉，牡丹索笑。三万六千，能几度，君知否。

沁园春

嫩雨如尘，娇云似织，未肯便晴。见海棠花下，飞来双燕，垂杨深处，啼断孤莺。绿砌苔香，红桥水暖，笑捻吟髭行复行。幽寻懒、

— 圆 —



就半窗残睡，一枕初醒。

消凝。次第清明。渺南北东西草又青。念
镜中勋业，韶光冉冉，尊前今古，银发星星。
青鸟无凭，丹青有约，独倚东风无限情。谁知
有，这春山万点，杜宇千声。

又


暂聚如萍，忽散似云，无可奈何。向天涯
海角，两行别泪，风前月下，一片离骚。啼罢
栖乌，望穷芳草，此恨与之谁较多。昏黄后，
对青灯感慨，白酒悲歌。

梦中作梦知么。忆往事落花流水呵。更凭
高□远，沈腰不瘦，怅今怀昔，潘鬓须皤。去
燕来鸿，寻梅问柳，寸念从他寒暑熬。消魂处，
但烟光缥缈，山色周遭。

又 送王侍郎帅三山

锦绣文章，圭璋闻望，碧落侍郎。昨履声
渐近，星辰避次，竹符重剖，湖海生光。委羽
天空，石桥水冷，每为众生时雨滂。君知否，

— 猿 —



是民心襦裤，吏胆冰霜。

少须召入鹓行。也不念无人荷紫囊。有本朝曾旦，移春手段，旧家羲献，补月心肠。此去三山，却登八座，已准金瓯姓氏香。还朝处，双凫作对，五马成行。

又


大丈夫儿，冰肝玉胆，砺山带河。算此身此世，无过驹隙，一名一利，未值鸿毛。相府如潭，侯门似海，那得烟霄尔许高。当初我，是乘云御气，几百千遭。

此生勋业无多。也手种梅花三百窠。又底曾嗅著，庙堂钟鼎，底曾拈得，帷幄弓刀。玉帝遥知，金书何晚，时有鹤鸣于九皋。如今且，向风前浪舞，月下高歌。

又 寄鹤林

三径就荒，松菊犹存，归去来兮。叹折腰为米，弃家因酒，往之不谏，来者堪追。形役奚悲，途迷未远，今是还知悟昨非。舟轻扬，

— 源 —



问征夫前路，晨色熹微。

欢迎童稚嘻嘻。羡出岫云闲鸟倦飞。有南窗寄傲，东皋舒啸，西畴春事，植杖耘耔。矫首遐观，壶觞自酌，寻壑临流聊赋诗。琴书外，且乐天知命，复用何疑。

又

乍雨还晴，似寒而暖，春事已深。是妇鸠乳燕，说教鱼跃，豪蜂醉蝶，撩得莺吟。斗茗分香，脱禅衣夹，回首清明上已临。芳菲处，在梨花金屋，杨柳琼林。

如今。诗酒心襟。对好景良辰似有妊。念恨如芳草，知他多少，梦和飞絮，何处追寻。病酒时光，困人天气，早有秋秧吐嫩针。兰亭路，渐流觞曲水，修禊山阴。

又

吹面无寒，沾衣不湿，岂不快哉。正杏花雨嫩，红飞香砌，柳枝风软，绿映芳台。燕似谈禅，莺如演史，犹有海棠连夜开。清明也，

— 缘 —



尚阴晴莫准，蜂蝶休猜。

朝来。应问苍苔。甚几日都成锦绣堆。念四方宾友，不堪渭树，一年春事，已属庭槐。宿酒难醒，多情易老，争奈传杯不放杯。如何好，看秋千戏剧，蹴鞠恢谐。

又 赞吕公


渭水秋深，湓江春老，洞庭一湖。问城南古树，如今在否，洛中狂客，还更来无。独上君山，渺观岩石，八百里鲸波泛巨区。何曾错，有茶中上灶，酒里仙姑。

终须。度了肩吾。稽首终南钟大夫。日太平寺里，题诗去后，东林沈宅，大醉归欤。天上筵多，人间到少，更不向庐山索鲙鱼。如何好，好借君黄鹤，上我清都。

又 题罗浮山

且说罗浮，自从石洞，水帘以还。是向时景泰，初来卓锡，旧家勾漏，曾此修丹。药院空存，铁桥如故，上更有朱仙朝斗坛。飞云顶，

— 远 —



在石桥高处，杳霭之间。

山前。拾得清闲。也分我烟霞数亩宽。自竹桥人去，青莲馥郁，柴门闭了，绿柳回环。白酒初祐，清风徐至，有桃李时新钉几盘。仙家好，这许多快活，做甚时官。

又 赠胡葆元


要做神仙，炼丹工夫，亦有何难。向雷声震处，一阳来复，玉炉火识，金鼎烟寒。姝女乘龙，金公跨虎，片晌之间结大还。丹田里，有白鸦一个，飞入泥丸。

河车运入昆山。全不动纤毫过玉关。把龟蛇乌兔，生擒活捉，霎时云雨，一点成丹。白雪漫天，黄芽满地，服此刀圭永驻颜。常温养，使脱胎换骨，身在云端。

又

岁去年来，思量人生，空自沈埋。既这回冬至，一阳来复，便须修炼，更莫疑猜。好个鼎炉，见成铅汞，片晌工夫结圣胎。人身里，

— 苑 —



三千世界，十二楼台。

周年造化安排。只在这些些真妙哉。要先擒日月，后攒星斗，黄庭中畔，化作琼瑰。谁会天机，分明说破，恰似江头雪里梅。丹成后，做些功行，归去蓬莱。

又 题桃源万寿宫


黄鹤楼前，吹笛之时，先生朗吟。想剑光飞过，朝游南岳，墨篮放下，夜醉东邻。铛煮山川，粟藏世界，有明月清风知此音。呵呵笑，笑酿成白酒，散尽黄金。

知音。自有相寻。休踏破葫芦折断琴。唱白苹红蓼，庐山日暮，西风黄叶，渭水秋深。三入岳阳，再游湓浦，自一去优游直至今。桃源路，尽不妨来往，时共登临。

又 题湖头岭庵

客里家山，记踏来时，水曲山崖。被滩声喧枕，鸡声破晓，匆匆惊觉，依旧天涯。抖擞征衣，寒欺晓袂。回首银河西未斜。尘埃债，

— 愿 —



叹有如此发，空为伊华。

古来客况堪嗟。尽贫也输他□在家。料驿舍旁边，月痕白处，暗香微度，应是梅花。拣折一枝，路逢南雁，和两字平安寄与他。教知道，有长亭短堠，五饭三茶。

水龙吟


层峦叠嶂浮空，断崖直下分三井。苍苔路古，鹿鸣芝涧，猿号松岭。露浥凤箫，烟迷枸杞，绿深翠冷。笑携筇一到，登高眺远，是多少、仙家景。

长念青春易老，尚区区、枯蓬断梗。人间天上，喟然俯仰，只身孤影。世事空花，春心泥絮，此回还省。向琼台双阙，结间茅屋，坐千峰顶。

又 采药径

云屏漫锁空山，寒猿啼断松枝翠。芝英安在，术苗已老，徒劳屐齿。应记洞中，凤箫锦瑟，镇常歌吹。怅苍苔路杳，石门信断，无人

— 怨 —



问、溪头事。

回首暝烟无际，但纷纷、落花如泪。多情易老，青鸾何处，书成难寄。欲问双娥，翠蝉金凤，向谁娇媚。想分香旧恨，刘郎去后，一溪流水。

瑞鹤仙

残蟾明远照。正一番霜讯，四山秋老。孤村带清晓。有鸣鞭归骑，乱林啼鸟。青帘缥缈。懒行时，持杯自笑。甚年来、破帽凋裘，惯得淡烟荒草。

多少。客愁羁思，雨泊风餐，水边云杪。西窗正好。疏竹外，粉墙小。念归期相近，梦魂无奈，不为罗轻寒悄。怕无人、料理黄花，等闲过了。

又

赋情多懒率。每醉后疏狂，醒来飘忽。无心恋簪绂。温才高子建，韵欺王勃。胸中绝物。所容者、诗兵酒卒。一两时，调发将来，扫尽

— 四 —



闷妖愁孽。

莫说。杀人一万，自损三千，到底隳隳。悬
河口讷。非夙世，无灵骨。把湖山牌印，莺花
权柄，牒过清风朗月。且束之、高阁休休，这
回更不。

祝英台近

月如酥，天似玉，长啸弄孤影。十二楼台，
昨梦暗寻省。自怜露满衣襟，风吹毛发，浑无
寐、寒宵漏永。

捧香鼎。翻起一片龙涎，梅花对人冷。庭
户冰清，何处鹤声警。少时烛暗梧窗，烟生苔
砌，晓钟动。忽然心醒。

水调歌头

咏茶

二月一番雨，昨夜一声雷。枪旗争展，建
溪春色占先魁。采取枝头雀舌，带露和烟捣碎，
炼作紫金堆。碾破香无限，飞起绿尘埃。

汲新泉，烹活火，试将来。放下兔毫瓯子，

— 赧 —



滋味舌头回。唤醒青州从事，战退睡魔百万，
梦不到阳台。两腋清风起，我欲上蓬莱。

菊花新


渺渺烟霄风露冷，夜未艾、凉蟾似水。海
山外、五云散彩，三峰凝翠。一鹤横空何缥缈，
见殿阁、笙歌拥罗绮。笑劳生，空如尺鷃，恋槿
花篱。

于中青鸾唱美。丹鹤舞奇。有粉娥琼女，
齐捧芳卮。天真皇人陈玳席，宴太姥、思之暗
生悲。念如今，红尘满面，温洒晚风泪。

又

十二楼台，但前回旧迹。想琪花似雪，忘
了还思。朝暮痴痴地。只有老天知。却自省，
玉阶金砌。错抛离。

梧桐声颤，窗外草蛩吟细。醉魂觉，又听
秋鸿悲唳。极目寒空，叹未有紫云梯。绛阙消
息子。也无一二、枉垂涕。



又

宝鸭温香，诉丝诚寸意。记当年事，闷本愁基。人间天上，只争得那些儿。吃禁持。却念九霄风味。

清晨雁字。一句句在天如在纸。只得向风前，默默自嗟惜。业债俱消，还未了、甚时已。一日里。滴了俺儿来泪。

又


念我东皇大帝儿。是操觚弄翰之职。飞落尘寰，似此度，算应希。向这里。安能便、策景御气。

灰头土面、千河水。把我如何洗。纵便有铢衣，已失眉峰翠。看看皓首，瞒不过镜台儿。除是去、青松下、碧云底。

又

弱水去蓬莱，四万八千里。远漠漠，俯仰

— 瓌 —



天水青无际。鸟飞不到船去难，渺无依。翦锦字。云信待凭鸾翼。

青芝素瀑，草舍儿、隐隐烟霞里。向闲处，批风切月烹天地，三岛十洲，去有日，几何时。胎仙就，直待鹤书来至。

又

铜壶四水。寒生素被。夜迢迢，烟月熹微。池浸霜荷，槛竹响，井枫飞。宝枕潭无梦，念忡忡地。

形留神往，镇日价、忘食应忘寐。省得起、都是天上仙家事。珠歌舞，酌玉液，饭云子。怎得麟麟脯，更教知味。

又

有个闷甚处，一向如痴醉。独倚住危阑，坐咬无名指。金鱼玉雁一从去，绝消息。念念怀天帝。密与冥契。

晴霞照水。叹细草新蒲寒萋萋。对夕照，树色烟光相紫翠。花落莺啼。把往事似川逝。

— 源 —



光阴速，何时是伊归日。

又

雪牖风轩度岁。时听芭蕉，雨声悽恻。情多易感，渐不觉鬓成丝。忽又成千古，谙如梦里。

西山南浦尽秋意。一望芦花飞。有一点沙鸥，点破松梢翠。凄然念起。觉两腋凉飙细。诗兴浑飞在渔乡橘里。

又

忽水远天长，笑把玉龙嘶。一声声，吹断寒云沧波里。幽愁暗恨，弄皓月，怨白日。问太虚不尚，则成休矣。

云心鹤性，死也要冲霄，乘风去。分自有、终合仙飞。感古怀今聊把笔。落叶寒蝉悲。使人增怨抑。

菩萨蛮

送刘贵伯

□山云冷风萧瑟。野猿啼罢蟾光白。听彻

— 鵲 —

